

Լ. Ս. Գալստյան

## Ս Ի Պ Ի Լ Ի Պ Ո Ե Ջ Ի Ա Ն

Սիպիլի գրական, հասարակական, մանկավարժական գործունեությունն սկսվում է 19-րդ դարի 80-ական թվականներից և շարունակվում մինչև 20-րդ դարի 30-ական թվականները: Շուրջ կես դար տևող բազմաբովանդակ ու եռանդուն գործունեության ընթացքում նա պայլի գեր է խաղացել արևմտահայ հասարակական, մտավորական կյանքի առաջընթացի մեջ:

Սիպիլը գասազրբերի, բազմաթիվ մեթոդական-մանկավարժական, հրապարակախոսական հոդվածների հեղինակ է: Նրա կազմած «Քերականություն արդի աշխարհարարի» և «Քանդարան» հատրնտիր հատորները, որոնք հետագայում բարեփոխել և վերահրատարակել է Հրանա Ասատուրի հետ համատեղ ուժերով, քառորդ դարից ավելի եղել են արևմտահայ վարժարանների հայերեն գասազրբերը: Իրեն նվիրելով արևմտահայ մատաղ սերնդի գաստիարակության գործին, Սիպիլը գեոես 1879 թ. հիմնել է «Ազգանվեր հայուհայց» ընկերությունը, որն իր առջև խնդիր էր դրել նպաստել կրթական և գաստիարակչական խնդիրների իրագործմանը: Մեկ ու կես տասնամյակ գործելուց հետո, սուլթան Համիդի կազմակերպած քարդի տարիներին (1895—96), ընկերությունը փակվեց, հետագայում՝ 1908 թ., զարձյալ Սիպիլի ջանքերով, ընկերությունը վերսկսեց իր գործունեությունը:

Սիպիլը օժտված էր նաև գրական տաղանդով: Նա գրել է վեպեր, պատմրվածքներ, նորավեպեր, թատերախաղեր, բանաստեղծություններ, առակներ, քորոցալին և մանկական ոտանավորներ:

Սիպիլը ճանաչված բանաստեղծուհի է, ետգորչանական շրջանի քնարերգության տաղանդավոր ներկայացուցիչներից մեկը: Նրա բանաստեղծությունների անդրանիկ ժողովածուն տպագրվել է 1902 թ. Պոլսում «Ցուրեր» խորագրով: Այդ բանաստեղծությունները տպգրված են հուլումով, անձնական, երբեմն էլ համամարդկային թախժի արտահայտություններով: Վրթանես Փափաղյանը իրավացիորեն գտնում է, որ այդ թախիժը կուտակվել է միջավայրի ճնշող ազդեցությունից, շրջապատող կյանքի հանգամանքների բարդումից: Սիպիլի բերթվածներն արտահայտում են կյանքի և սիրտ անուրջները, վաշելքներն ու տվայտանքները: Զգալուն բանաստեղծուհին օժտված էր զգացմունքների և երեակայության մեծ ուժով: Նրա ինքնատիպ երգերն ազնիվ զգացմունքների և վառ երազանքների արտահայտություններ են:

Սիպիլը սակավաթիվ այն գրողներից է, որ թեև ասրեց 80-ական թվականների տաճկական ոեակցիայի հեղժուցիչ պայմաններում, տեսավ համիդյան արչունայի կոտորածը, ունեցավ հոգեկան ժանր հուսահատություն, բայց չկորցրեց իր հայրենիքի և ժողովրդի լուսավոր ապագայի հավատը: Նրա հոգում և երեակայության մեջ մշտապես ապրել է Հայաստանը և հավատը նրա ապագայի նկատմամբ: Բանաստեղծուհուն ողևորում է նախնիների հերոսական անցյալը և նա ցանկանում է հոգու բոցերով անցյալի ռոխրին ներքե գտնել:

կայծ մը հրրահրի»: Կյանքի հրճվանքները, սերը, վայելքները չեն հրապուրում ժողովրդի ճակատագրով ապրող բանաստեղծուհուն:

Ճակատս ըլլա նույնիսկ փառքով լուսապանծ,  
Ինծի համար մեծ հույզեր չեն,  
Զի իմ հոգվույս մեջ կը ննջեն  
Հայրենիքիս ցավերն անհուն ու անանց:

Սիպիլի հոգում խոր արմատներ ևն ձգել մեծ հայրենասերի՝ Նալբանդյանի կերպարը: Համարձակ, անձնագոհ մարտիկին դարձնելով իր երգի գրութավոր հերոսը («Հերոսը»), նա Նալբանդյանի օրինակով պատկերում է անձնուրաց մարտիկին, որը, չնայած հեռու է «լուսածագը», խորն ու վսեմ դադափարների, ազգի ազատագրման համար է մարտնչում: Բանաստեղծուհին փառաբանում է հերոսի անցած ուղին, արտահայտում իր ջերմ վերաբերմունքը դեպի մարդկային կյանքի բարձրագույն իդեալը՝ ազատությունը ձգտող մարտիկը:

Միշտ աննրկուն կուլեցար:

Ազգիդ տվիր դալար ուժերը կյանքիդ,  
Ու խամրեցար որ անոր հույսը ծաղկի:

Հայրենասիրական վառ դրացմունքների լավագույն արտահայտություն է «Հայ լեզվին» բանաստեղծությունը: Դա հերոսական կյանքի երգն է մեր այն նախնիների, որոնք բազում անգամ տառապելով օտարի լծի տակ, մոռացել էն իրենց զավակներին, իրենց անձը, բայց չեն մոռացել մայրենի լեզուն, զուրգուրանքով պահպանել են այն և հաղորդել սերունդներին:

Սիպիլի գործերում արտահայտվել է պանդուխտ հայի դառնություններով յի կյանքի նկարագիրը: Պոլսում, ուր ապրում էր բանաստեղծուհին, անթիվ էին հայ պանդուխտ մշակները: Ավերումից ծայր առած տարագրությունը Պոլիսը լցրել էր հազարավոր պանդուխտ հայերով, որոնք գլխավորապես ֆիզիկական աշխատանքով ապահովում էին իրենց շարքաշ կյանքը: Բանաստեղծուհուն տանջում էր հայրենի երկրի ու թշվառ ժողովրդի վիճակը և պատահական չէ, որ նրա առաջին սուպրիմո դործը նվիրված էր պանդուխտ հայի ճակատագրին: Ինո ճեմարանի ուսանողուհի էր ապագա բանաստեղծուհին, որ «Հայրենիք» օրաթերթում (1874 թ.) տպագրեց «Պանդուխտ անմխիթար» բանաստեղծությունը: Չնայած դա Նար-Պեյի մի բանաստեղծության շարունակությունն էր, բայց ինքնուրույն տողերում բանաստեղծուհին ականատեսի աչրերով նկարագրեց պանդուխտ հայի ողբերգություններով յի կյանքը: «Հրավելչտն ու դարձր» քերթվածը, որը հետագայում «Յուրեր» ժողովածուում վերնագրվեց «Սոսին տակ», պանդուխտ հայի բնականիքի քայքայման ողբերգական մի պատկեր է:

Սիպիլն ականատես ևղավ թուրքական յաթագանին հազարավոր հայերի գոհ դառնալուն, լսեց մարդասպանի սրից առաջացած «լայլուններ ցավի ճիշեր զիշեր դերեկ», անօղնական ու ահաբեկված ամբոխի աղաղակներ («Տեսիլքներ»): Բանաստեղծուհին նկարագրում է կոտորածի զարհուրելի պատկերը, ջույց տալիս արսորված մերկ ու խոշտանգված կանանց ու նրանց հե-

տևող մանուկների անվերջ թափորը: Այդ հյուծված ուրվականներին մի շար ձևեր թափում է «անդունդի փոսը թափուր»: Բայց բանաստեղծուհին լավատես է: Նա նշմարում է շողացող արշալույսը, տեսնում սոված ու խոշտանդված զաղթական զրկյալների զվարթ ու ժպտուն դեմքերը, լսում ցնծության աղաղակները:

Հակառակ այն հուսահատվածների պնդումներին, թե՛ մի քանի տարի ևս և հայի անունն «խապառ պիտի ջնջվի երկրի երեսին», Սիպիլը լցված էր անհուն հավատով դեպի իր ժողովրդի ապագան: Նա որոշում է «...զործել ազդիս համար, զործել հայրենյացս համար, որոնց ապագային վերա հավատք ունիմ մեծ»<sup>1</sup>:

Սիպիլին հուզել է ոչ միայն իր ժողովրդի, այլև մյուս ժողովուրդների ճակատագիրը: Բանաստեղծուհին գիտակցում էր, որ պատերազմը բարիք է բերում բուրժուազիային, տիրապետողին, ծառայում է իբրև հարսուռթյան, շահույթի աղբյուր: Առաջին իմպերիալիստական պատերազմի ժամանակ զրած «Ազնավները» բանաստեղծության մեջ, նա խարաղանում է պատերազմամոլներին, որոնք իրենց շահի համար գիտակցորեն քայքայում են մարդկային բյուրավոր կյանքերը:

Մանկության ու պատանեկության տարիներին ապրելով Ակյուտարի բարձունքի վրա ծովը գլուխ է բանաստեղծուհուն: Իշխրային լռության մեջ նա երկար ունկնդրել է «լուռ թավալումը ջուրին» («Ծովուն», «Ծովուն հանդեպ»), որը խորասուզվում է դեպի անհունություն: Բանաստեղծուհին ցանկանում է թափանցել ծովի զաղտնիքները.

Ո՛հ, կ'ըզձայի նետվիլ խորքիդ մեջ անծիր,  
Ծուփերուդ հետ անհունին մեջ թավալիլ.  
Եվ անծանոթ զաղտնիքներուդ ունկնդիր՝  
Լույս հեշտանքներդ բմալ կաթիլ առ կաթիլ,  
Սուզվիլ, կարդալ, մութ խորշերուդ մեջ անցան,  
Լուռ վեպերը սոսկավիթխար անդունդին,  
Եվ օրորված միշտ հանկերգուր մահվան,  
Սփռել զանոնք շիրիմներն ալ անդին:

Սիպիլի քերթվածները բնության, մարդկային կյանքի զաղտնիքներին են նվիրված: Բնությունը բանաստեղծուհու ստեղծագործական ներշնչումների աղբյուրն է, որի ուժն ու հմայքը զգացվում է տարբեր մոտիվներով զրված երկերում: Բանաստեղծուհին երգում է հրաշք բնության երևույթները, երազանքով սլանում անհաս երկնային բարձունքները («Երկինք»), ցանկանում է պարզել անհուն կապույտում սփռված զաղտնիքները: Նա անձնավորում է բնությունը, օժտում մարդկային հատկություններով, խնդրում է փարատել թախիծը մարդկային դեմքի, որին «հեծում է օրենքին անաշառ ձևեր երկաթե», որպեսզի եթերային մաքրության մեջ շողացող մարմինների նման մարդկային ճակատներն էլ շողշողան: Բայց զգալով նրա անկարկցությունը և տեսնելով մարդկային հույզերի ու երազների խորտակումը, նա զայրույթի իր խոսքն է ուղղում երկրին.

1 «Երկրագունդ», Պոլիս, 1886, էջ 202:

Սակայն, եթե մեր աշխարհին չես դուն աեր  
 Ու շանթարձակ ամպերեղ վար չես իջներ,  
 Թե չես տեսներ մեր կիրքերուն խոլ սլիք,  
 Թե մեր տենչեր քեզ կ'երևան խաղալիք,  
 Փրշրե՛, ապա, մեր ըղձանքին խոլ թևեր,  
 'Էմբիդ վրրա ձրկե քողեր ու րսավեր  
 Եվ աշխարհի ցած իրերուն մեջ եկի՛,  
 Բող ցրնորքներս, տենչս ու հոգիս թաղվին զեկի,  
 Իսկ դուն, երկի՛ներ, տարրերու մեջ անըզզա,  
 Իշխե՛, հավետ, ուր ոչ քրնար, ոչ սիրտ կա:

Բնությունն իմաստավորելով, բանաստեղծուհին համեմատություններով ու փոխարկություններով պատկերներ է ստեղծում: Լուսեղեն ամպերը, որտեղ ապրում են բանաստեղծուհու երազանքները, «հովերուն բիրտ հարվածին տակ» վեր են ածվում անձրևի, ներծծվում հողում, ուր արցունքի հետ թաղվել են բանաստեղծուհու սրտի տենչանքները: Երկուսն էլ դառնում են «զոհեր սիրտ անհուն պապակին», իսկ նրանց վշտերին անկարեկից վերևից ժպտում են արևն ու եթերը, փայլալույսով նոր ամպեր, «նոր սարսուղներ ու երազներ ջինջ կապույտ»:

Բնությունը լի է անհատում զաղանիքներով: Բանաստեղծուհին ձգտում է պարզել բնության ուժն ու հմայքը, հարատևող զեղեցկություններն ու զաղանիքները, բնության և մարդկային կյանքում եղած խոր հակասությունները: Բնության անլուծելի զաղանիքներից է ժամանակի հարատևությունը: Ընկել, փշրվել են սեզ լեռներ, բայց հարատևում է ժամանակը («Ժամանակին»): Բանաստեղծուհու համար հանելուկ է՝ ո՞վ է տվել նրան այդքան ուժ: Ժամանակը «անանուն էություն է», «ուրվական», «հերոսներու, հանճարներու... համայնակուլ զերեզման», բայց ժամանակից ավելի խոր ու անհուն բանաստեղծուհու հոգու ուժն է, որը պետք է ազատ սյանա, անցնի ապագա դարերը:

Սիպիլի պոեզիայում բնության պատկերներն ինքնանպատակ չեն: Բնության լուսավոր ու մուայլ գույներով բանաստեղծուհին արտահայտում է իր հույզերն ու ապրումները, պատկերավոր համեմատության մեջ դնում բնության երևույթներն ու մարդկային կյանքը: Մարդկային կյանքի ընթացքը համեմատում է առավել հոսքի հետ («Առավակը»), որը սահում է մերթ ժիծաղով, մերթ կոծով, իսկ բերկրանքը, եռանդը, սերն ու գութը՝ փրփուրների, որոնք զիպվածով կարող են մերթ պոռթկալ, մերթ նիրհել: Բանաստեղծուհին կապ է ստեղծում բնության և իր լիրիկական հերոսի հույզաշխարհի միջև: «Պուրակի մթին րսավերներու տակ», «ուր զեփյուռներ ծաղիկներուն կայցելու» բանաստեղծուհու լիրիկական հերոսի հոգին գտնում է «հուշիկ մը անցյալին»: Սիպիլի պոեզիայում բնությունն ու սերը միահյուսված են նկարագրելով բնության փոթորկումը, ծովի ալեկոծումը, երկնքի շանթերը («Կապույտ աղջիկը»), բանաստեղծուհին իր երզն ուղղում է ոչ թե բնությանը, այլ «ջերմ իղձերու բողբոջին տակ վառվող» կույսին և բնության պատկերների միջոցով ավելի խորացնում կույսի սիրո խորտակման հոգեբանական նկարագիրը:

Բանաստեղծուհու համար իդեալական են կյանքի զեղեցկությունները: Իդեալն այն աստիճանն է («Իտեալ»), որին ձգտում է մարդկային միտքը, վիշտն ու խինդը: Բանաստեղծուհու համար իդեալական է «կույսն անմա-

տույց բոց տենչերու տարափին», սուրբ համբույրը, սիրո երգը, ծագկի բույրը... Սիւլիւի էսթետիկական բարձր ճաշակը երևան է գալիս նաև գեղեցիկի բմբռնման մեջ՝ Գեղեցիկը և կյանքը բանաստեղծուհին չի դիտում որպէս հակադիր կողմեր, այլ դիտում է միասնության մեջ։ Նրբեմն էլ այն չգտնելով իրականութեան մեջ, ստեղծում է երեակայութեամբ։ Իդուր չէ, որ մեր անվանի գրողներ՝ Դ. Աղայանը, Հ. Թումանյանը, Վրթ. Փափազյանը Սիւլիւին համարում են «...թրքահայ ամենահամակրելի, տաղանդավոր բանաստեղծուհին... նրա բոլոր գրվածքները տողորված են բարձրի, ազնիւի, գեղեցիկի և վսեմի ձգտումներով»<sup>2</sup>։

Սիւլիւի քերթվածները լի են խորը սիրով դիպի մարդկային վիշտը։ Հոգեբանորեն է նկարագրված ցավից խելադարված մոր ապրումները («Հե՛ք հիմար կին»)։ Մյուս հերոսուհին՝ պարուհին, իր նազանքով դուրս է հանդիսատեսին («Պարուհին»), շատերը նախանձում են նրան. «Ո՛հ, ինչ հեշտ է կյանքը իրեն, ամբողջ պար», բայց պարուհու սիրտը խոցված է, նրա գավակը մեռնում է անկողնում, իսկ ստացած ծափերն, որոնցով վաստակում է ապրուստը, ապտակներն են կյանքի։ «Պարուհին» մարդու անհաստակ հոգեբանության և սոցիալական բնութագրության միասնական դրսևորումն է։

Սիւլիւի մարդկային հոգու նուրբ զգացմունքների բանաստեղծուհի է։ Պատկերելով մարդու ներքին զգացմունքների աշխարհը, պրծնով իսկ նա արտահայտում է զգացմունքների առաջացման արտաքին աշխարհը՝ մարդու սոցիալական միջավայրի պատկերը։ Բանաստեղծուհին հոգեբանորեն է վերլուծում մենաստանի երիտասարդ կույսի, կորցրած սիրո «զազուկ հեծքերու զոգով երերացող» կնոջ, խելահեղ մոր պատկերները։

Ջահել է կույսը, ապրելու տենչանքով լի, այրող երիտասարդ հոգին ձրգտում է դիպի աշխարհիկ կյանքը («Մենաստանի կույսը»)։ Նա խնդրում է «բողիկ շղենչ մը», որ խառնի իր տենդոտ հոգուն, իսկ մենաստանի կույսերը, որոնք ազդեցություն թմրեցրել են իրենց զգացմունքները զոչում են՝ «սեր է աստված», հավատացնում են՝ «միայն մահվան համար ենք հաստատված»։ Մենաստանի մայրապետը երիտասարդ կույսի կրթից կախում է խաչ, բարձի տակ դնում է սաղմոս, բայց դրանք էլ անգոր են կույսի բարախող սրտի հորձանքի առջև, որպեսզի պահպանեն նրան «փորձանքներից» և զրկեն աշխարհում հասանելի չնչին բաժնից։ Կույսի մեջ վառվում է վայելելու մեծ տենչանքը։

Այդ փորձանքներն ևս կ'երազեմ անդադար,  
Կյանքի բոլոր մեծ պայքարներն, հուրն անհուն,  
Աշխարհի մեջ չնչին բաժինս իմ արդար  
Եվ կը թողում երկիրն իրեն սուրբերուն։

Խոսելով այս բանաստեղծության մասին Գր. Զոհրապը գրում է. «...Սրտի անկեղծովն են ճշմարիտ բանաստեղծությունը կը բղխի..., Վանքի մեջ մոռցված միանձնուհին՝ իր չնչին բաժինը պահանջելով կյանքին, արդար բողոքի մը կը բերե ու կը հուզե մեզի...»<sup>3</sup>։

<sup>2</sup> «Հայ գրողներ», Թիֆլիս, 1910, շ. 11, էջ 810։

<sup>3</sup> «Մասիս», Պոլիս, 1892, № 3966, էջ 179։

Այլ է ժանյակների սիրահար քաղքենուհու ճակատագիրը («Ժանյակները»): Իր ժանյակները ստվերելու երկյուղից է մեռնում պճնամուլ քաղքենուհին: Կինն իր հոգեկան ապրումներով բարդ էակ է: Նա իր անթիվ հրապույրներով ու հմայքով կարող է և՛ կյանք սփռել աշխարհում և՛ հմայել ու տանջել («Ինչո՞ւ... ինչո՞ւ...»): Բանաստեղծուհու լիրիկական հերոսուհին իր սիրուց խանդավառված պատանուց պահանջում է դույզ աչքերը («Գերագույն նվերը») և միայն ստանալուց հետո ապրում խորր ողբերգություն:

Սիպիլի քերթվածները խորն ապրած զգացմունքների, պարզ ու անկեղծ հույզների անմիջական դրսևորումներն են, որոնք իրենց մեղմությամբ և զգացմունքների խորությամբ հմայել են բնթերցողներին: Նրա պոեզիայում արտացոլվել է անդարձ կորցրած սիրո կսկիծը: Այդպիսի դործեր բանաստեղծուհու խորապես ապրած անձնական զգացմունքների արդյունք են: Սիպիլը երիտասարդ հասակում զրկվել է առաջին ամուսնուց, ապա ևրկորդից: Նա համեմատություններով ցույց է տալիս, որ մարդկային կյանքի և բնության շատ զեղեցկությունների նման, որոնք մահվան, անհետացման վտանգի տակ ավելի են թանկանում, սիրո անջատումը, կործանումը («Անցնելու մոտ»), մարդու մոտ կրկնապատկում է զգացմունքները: Վաղ շրջանի երկերում, եթե բանաստեղծուհին կյանքի նկատմամբ արտահայտվում է ևրբեմն լավատեսությամբ, գտնելով, որ կյանքի ժամանակավորության մեջ է քաղցրությունը, ապա նրա հուսահատ տրամադրությունները խորանում են անձնական կյանքի վերջին տարիներին («Ապրիլ»): Բանաստեղծուհին սիրուց սառնվող կնոջ սիրտը նմանեցնում է եկեղեցու խորանում ծխացող խուսկի («Խուսկը»), որն այնքան պետք է միայն, մինչև «լափվելով բոցին տենչերուն մաքուր» հալվի, լուծվի, ի վերջո կարողանա ազատվել իր կուռ պատյանից: Անսփոփանք վիշտ է սիրած էակի կործանումը: Բանաստեղծուհին մտովի կառուցում է աստվածային պալատ, որտեղ զգացմունքներն ապրում են ազատ, սերը դիցուհի է, սիրո մեծ խարույկում հոգիները վառվում են, բայց չեն հալվում:

Սիպիլի դործերում արտահայտվեցին նաև հուսահատ տրամադրություններ: Բանաստեղծուհու ստեղծագործությունը զարգանում էր հակասական տենդենցով, որը պայմանավորված էր ժամանակաշրջանի հասարակական-քաղաքական կյանքում սրված հակասություններով: Բանաստեղծուհու թախծը ևրբեմն հասնում է հուսահատության նույնիսկ՝ կրոնական բարոյախոսության:

Զգտնելով թշվառության դեմ մաքառելու ուժն ու ուղին, բանաստեղծուհին ապրում է ևրազանքով: Թողնելով իրական կյանքի վիշտն ու թշվառությունը, նա սլանում է «Ամպերեն վեր, աստղերեն վեր, կյանքեն վեր» («Աղվոր ևրազ»), ևրազանքով կառուցում է իդեալական աշխարհ, իսկ ևրբեմն էլ կասկածի տակ է առնում իր ևրազած ևթերային մաքրությունը, խորհելով, որ այդ անասելի բարձունքները միայն հեռվից են այդքան զեղեցիկ ու մաքուր, բուռն ձգտում է դեպի կյանքը, ապրում պայքարի մտորումներով («Հնչյակ»)-

մի՛հ, պայքարի, տառապանքի հուզումներ տաք,  
Լ՛գձեզ հոգվույս բոլոր թափով ևս կր պաշտեմ.  
Զի դուք միայն կյանքիս վայելքն ինծի կուտաք:

Բանաստեղծուհու տրամադրությունները նույնիսկ դառնում են մարտնչող: Իթթհատականների ռեակցիայի շրջանում նրա հերոսն է դառնում ազատու-

թյան մեջ ճախրող արտույտը, որն ազատության ձգտող հերոսի սիմվոլն է («Արտույտին»); 1911 թ. Սիպիլը գրեց «Խոսի՛լ» բանաստեղծությունը։ Երազող բանաստեղծուհու համար հավատքից, հույսից, «ըզմայլանքի պահերեն կույս» ավելի վեր են դառնում ազատ խոսելու վայելքը, գործելու և զոհվելու տենչերը։ Բանաստեղծուհին բավարարվում է ոչ միայն տիրող անհավասարության արտացոլմամբ, այլ որոնումների մեջ է։ Նրա տատանումներն ու ոգևորություններն արտահայտվում են հոգու տրտմություններով ու ցնծություններով։ Բանաստեղծուհին իր երջանկությունը որոնում է ուրիշների տառապանքն ու վիշտը ամոքելու մեջ։ Բայց «շահերով ըստոր լեցուն աշխարհում» նա չի գտնում մաքառելու ուժ, զգում է, որ անկարող է սրբել տառապողի արցունքի շիթը, որոշում է չլսել ոչինչ, կրկին հրաժեշտ է տալիս կյանքին, այնտեղ թողնելով սրտի վերքերը, երբեմն էլ այդ հրաժարումը փոխում է զթաշարժ աղերսանքով, ցանկանում է ապրել հրազանքով, սպասումով։ Նա պատրաստ է ամպամած երկնքից, «ամպրոպեն, շանթեն ալ զութ մուրալ», անձնատուր լինել կյանքին, հավատալ տիեզերքի բարությանը, «բոցերում գեհենի հովաններ տեսնել զով» և «ժպտիլ անվրդով արյուն հոսի երբ սրտեղ» միայն ապրել։ Սա մի ընդզգում է կյանքի դեմ, կյանք, որը հեղեղված է թշվառությամբ։ Բանաստեղծուհին վերապրում է տառապողի ցավեր, բայց չի տեսնում հասարակական շարիքից ազատվելու ուղին, զգալով, որ անկարող է «պահ մը վերջ տալ թըշվառության հորդ հեղեղին», ցանկանում է «գեթ մուռնալ» «մարդոց վիշտերը» («Մոռնալ»)։

Սիպիլն ունի նաև ռեալիստորեն զրված էջեր, բայց նրա զրական ուղղությունը ուժանտիկական է։ Մի առիթով բանաստեղծուհին գրում է. «Ես սիրած եմ միշտ ուժանդիկ զրականությունը, և ինչ որ կ'ուզեն ըսեն, կը մտածեմ թե կանանց մեծ մասին համար, գոնե իմ ճանչցածներուս, ուժանդիկության մեջ է իրականությունը»<sup>4</sup>։

Լինելով արևմտահայ աշխարհաբարի մշակման կարևոր դեմքերից և ջերմ պաշտպաններից մեկը, նրբաճաշակ բանաստեղծուհին արվեստագետի հրմտությամբ օգտագործեց մեր լեզվի հարստությունը, մշակեց՝ քնարերգության լեզուն ու ոճը։

Սիպիլի բանաստեղծությունները զգացմունքների արտահայտչականությամբ ու նրբությամբ յուրահատուկ են։ Խոսելով պոեզիայի մասին, նա գրտնում է, որ յուրաքանչյուր գրող իր գործերում պետք է դնի իր հոգու գույնը, նկարագրի ցուրը, ճաշակի հմայքը։ Բանաստեղծուհին խոսքային երաժշտությունը վեր է համարում նվազագույն երաժշտությունից, իսկ զրա գլխավոր պայմանը համարում է տաղաչափության ներդաշնակությունը։ Զարգացնելու համար բանաստեղծության հնչյունական կողմը, նա օգտագործել է հանդավորման տարբեր ձևեր։ Վրթանես Փափազյանը բնութագրելով Սիպիլի պոեզիան գրում է. «...Սիպիլի ոճը, լեզուն, հանգերի ճոխությունն ու արտահայտությունների հարստությունը՝ առհասարակ կատարյալ են»<sup>5</sup>։

Տպավորիչ ու ներգործուն են բանաստեղծուհու դժած պատկերները, հարուստ համեմատություններով։ Սիպիլն իր ինքնատիպ առվեստով և հարուստ լեզվական կուլտուրայով ստեղծեց արժեքավոր ու մնայուն գործեր։ Արևմտահայ

<sup>4</sup> «Լույս», Պոլիս, 1903, էջ 642։

<sup>5</sup> Վ. Փափազյան, Պատմություն հայոց գրականության, Քիֆլիս, 1910, էջ 741։

պոեզիայում Սիպիլը շարունակեց Դուրյանի ճանապարհը, բայց երգեց ոչ դուրյանական ցասման ուժով, Սիպիլն ստեղծագործեց Դուրյանից մեկ և կես տասնամյակ հետո, երբ ազգային կյանքում ավելի սրվել էին հակասությունները, մոլեգնում էր տաճկական ռեակցիան։ Ռոմանտիկ բանաստեղծուհու համար հեշտ չէր բարձրանալ իր միջավայրից, որը բռնկված էր հուսալքման և իրականությունից փախուստի տրամագրություններով։

Դեռ 1892 թվականին, արդեն ճանաչում գտած բանաստեղծուհու, հաստատական գործի մասին Գրիգոր Զոհրապը գրում է. «...իր անհատական կյանքով պարծանքն է իր սեռին և իր մեծ տաղանդովը՝ մեր բոլոր գրականության...: Գրականության մեջ ինքը պիտի մնա ճշմարիտ ներշնչյալ կինը, որուն պատգամները պիտի սրտապնդեն մեզ որ այնքան կարոտ ենք քաջալիրության անույշ ձայնին»<sup>6</sup>։

Л. Галстян

## ПОЭЗИЯ СИПИЛ

### Р е з ю м е

В статье «Поэзия Сипил» мы имели целью представить в общих чертах характерные черты поэзии западноармянской поэтессы Сипил (Забел Асатур).

Сипил — автор романов, рассказов, повел, драм, стихотворений, но признана она как поэтесса. Ее первый сборник стихотворений был напечатан в 1902 г. в Константинополе. Затем были напечатаны сборники стихотворений в 1935 г. в Ереване, в 1939 г. в Стамбуле и в 1956 г. в Венеции.

В работах Сипил отразилась полная горечи жизнь армян-странников, дана чудовищная картина резни армян в Турции.

Живя в удушливых условиях турецкой реакции, Сипил пережила сильное духовное разочарование, но не потеряла веру в светлое будущее своего народа. Она с радостью приняла весть об установлении Советской власти в Армении.

Сипил — поэтесса нежной человеческой души. Ее стихи — непосредственное отражение пережитых глубоких эмоций. В ее стихах картины природы не являются самоцелью. Имн выражаются человеческие переживания, создавая глубокие содержательные образы.

В стихотворениях Сипил отразилось настроение разочарования. Не находя сил для борьбы с угнетением, она стала жить мечтой и ожиданиями. Для поэтессы-романтика не легко было подняться выше своей среды, которая была охвачена настроением разочарования и желанием уйти из действительности.

Сипил своим своеобразным искусством и богатой языковой культурой создала ценные труды.

<sup>6</sup> «Արտիստ», Պոլիս, 1893, № 3966, էջ 180։